

զերացն, և ծանուցանել նմա զբանս Պուղտանայ՝ թէ այսպէս արարեալ են եւ զգնալ պատրիկին: Եւ նա զկնի նորա նաւ մի ուղարկեալ փոյթ ընդ փոյթ հանդերձ նամակաւ առ նաւապետն, զի հասանել թղթոյն առ նա՝ անյապաղ դարձուցէ զնաւն որպէս որ գնացեալն է, որ և եղևն իսկ. զոր առաւօտուս Գշի (28 Օգոստ.) բերեալ զնա այն տեղացն դարձուցանելով, արգիլեցին զնաւն ի դուռս հարաւային կողմեան որ ասի Դուռ Աւագի: Եւ Եղիազար վարդապետն ել եւ եկեալ ի Սուրբ Նիկողոս եւ ժողովեալ զեկեղեցեաց Զ-ից զաւագիրիցունան և զիշխանսն, և յղեցին զայս բան առ Առաջնորդն թէ Փութանակի գայցես աստ զի տեսցուք զբանս. եւ նա պատասխանի տվեալ երթելոցն առ նա եթէ Զի՞նչ կոծ է ի վերայ իմ այդ եթէ հոգայցեմ զՀայս Պուղտանի: Եւ զայս լրեւալ նստելոցն անդ ի ժողովն և խօսեցան բան ինչ: Եւ ապա ել Վարդապետն եւ առ ընդ իւր քահանայս եւ իշխանս ոմանս զորս ինքն կամէր, եւ գնաց ի նաւն առ պատրիզն. և նա տեսեալ զսոսա՝ ի մեծ ահի լեալ, գուցէ և ոչ այլ ինչ բանս ունիցին. բայց Վարդապետն խօսեցաւ ընդ նա որպէս և կամէրն, վասն Հայոցն Պուղտանայ թէ Վասն է՞ր փակեալ լինին զեկեղեցիսն, և այլ բազում բանս. զոր և պատրիզն յանգիտութեան լեալ ի բանէն և առեալ գրեալ նօմոս և նամակ ձեռամբ իւրով առ տէրն Պուղտանայ եթէ Մեք յամին յայն, որ եղեալ է կռիւն ընդ Հայոցն, նա՛ ոչ է ի սոցանէ և ի մեզանէ, զի և մեք ոչ գուրով ի տեղն. յուխտաւորացն եկելոց եպիսկոպոսաց զայդ արարեալ են, զոր և ոչ մեք արժան տեսաք. վասն որոյ և այժմ խաղաղացաք ընդ սոցա՝ ուխտ և դաշինս արարեալ ընդ միմեանս. և զայս խնդրեմք ի քեզանէ, զի զայդ մի՛ արասցես. ողջ լիցիս ի Տէր: Զայս թուղթ գրեալ պատրիկին իւրով ձեռամբ առ պարոնն Պուղտանայ եւ